



Uunga  
Inatsisartunut ilaasortaq  
Jørgen-Ole Nyboe Nielsen  
-/maani

**Inatsisartunut ilaasortap, Jørgen-Ole Nyboe Nielsen-ip, Demokratineersup,  
tarnimikkut nappaatilinnik katsorsaanermut Maniitsumi periuseq pillugu § 37  
malillugu apeqquteqaataanut allakkatigut akissutit.**

11. juni 2012  
Suliapnr. 2012-067260  
All.Upp.Nr. 929536  
Postboks 1160  
Oqa: 34 50 00  
Allak: 32 55 05  
3900 Nuuk  
Email: pn@nanoq.gl  
www.nanoq.gl

Apeqquteqaatinut Inatsisartunut ilaasortaq qutsavigaara.

Apeqquteqaatit tullerit imaapput:

- 1. Tarnimikkut nappaatilinnik katsorsaanermi periutsip Maniitsumi ineriertortitap  
siaruarternissaq pillugu Naalakkersuisut sunik suliniuteqarnikuuppat**
- 2. Tarnimikkut nappaatilinnik katsorsaanermi periutsip Maniitsumi ineriertortinne-  
qartup tamakkiisumik atorneqalersimanissaata pinissaa qaqgu Naalakkersuisut  
naatsorsuutigaat?**

2010-mi upernaakkut ataatsimiinnermi, Naalakkersuisut "Tarnikkuut nappaatilinnik sullissineq pillugu nassuaat, 2010" saqqummiuppaat. Taanna nassuaat tarnikkuut nappaatilinnik sullissinerit nassuiarpai, napparsimasunut tarnimikkut nappaatillinut ilaquaannullu pissutsit pitsangngorsarniarlugit suliamik ingerlatseqqinnissamut suliniutinut tunngasutigut siumut sammisumik periarfissarpassuarnik tikkuaasut.

Nangitsinermi tulliusumillu Inatsisartuni politikkikkut suliarinninneq Peqqissutsumit Naalakkersuisoqarfiup, nassuaatip inassuteqaataanik aammalu tarnikkuut nappaatilinnik sullissinerup iluani ineriertortsinissamik kissaatigisaqarneq ingerlateeqqissimavaa.

2011-mi upernaakkut ataatsimiinnermi Inatsisartunut ilaasortap Astrid Fleischer Rex-ip oqallinnissamut apeqquteqaammut siunnersuut saqqummiuppa "Maniitsumi tarnip nappaataanik katsorsaariaatsip siamarneqarnissaanut Naalakkersuisut peqquneqarnissaat pillugu apeqquteqaat aallaavigalugu oqallinnissamik siunnersuut" toqqaanermik oqallinnermut atatillugu Inatsisartut isumaqtigillutik akueraat: "Maniitsumi tarnip nappaataanik katsorsaariaatsip siamarneqarnissaanut Naalakkersuisut peqquneqarnissaat, Inatsisartut Naalakkersuisunut kajumissaarutigaat". Taanna siunnersuut tarnikkuut nappaatilinnik sullissinerut tunngasut pillugit nassuaatip tapersiutaanik suliaqarnermut ataqtigiiqssuteqarnera pissutigalugu "tarnikkuut nappaatilinnik sullissinerut tunngasut pillugit nassuaat, 2010"-kkut nangitsinermik suliaqarnermut tulluarsarlugu ilangunneqarpoq.

**1-mut)**

2011-mi august-imi ukununnga naleqqiullugu tarnikkuut nappaateqarnernut tunngatillugu qulaajaaneq allartippoq:

1. Tarnikkut nappaatillit pillugit peqqinnissaqarfik, inunnik isumaginnittooqarfik, pinerluttunillu isumaginnittooqarfik politiillu akornanni suliani arlalinni pioreersuni suleqatigiipput.
2. Maniitsumi periutsimik atulersitsinissamut ammaassinissaq.
3. Oqaaseqaatinut aammalu allannguisinnaanernut/ ineriartortitsinernut suliniutissanut siunnersuutit.

Qulaajaanerup taassuma takutippaa Maniitsumi periutsip allaaserineqartup tungaanut sulianut arlalinnut tunngasutigut annertoorujussuarmik suleqatiginneqalereersimasoq. Sullissiviilli arlallit periuseq erniinnartumik piviusunngortinniarlugu assut soqtigin-nissimapput, sullissiviilli allat salliutitaqarlutillu tarnimikkut nappaatilinnik katsorsaa-nermut allanik kissaateqarlutik.

Tarnikkut nappaateqartunik katsorsaasarnermi paasineqarpoq, Maniitsumi-periutsip katsorsaasarnerup tarnikkullu pissutsit pillugit isumaginninnerup akornanni piginnaanertussusiisartoq. Tarnikkut nappaateqartunik katsorsaasarnermi periuseq atorsinnaasutut isigineqarpoq aammalu Maniitsumi periutsimut qanittorujussuarmik periutsimik nuna tamakkerlugu piviusunngortitsinissamik suliniuteqartuarniarput, najukkamilli tulluarsakkamik. Tikkuarneqarporli, periuseq napparsimanerpaasunut atorneqarsinnaalluarnerusoq ingammillu tarnimikkut nappaatitut katsorsarneqarnissamik eqqartuussaasunut, tassanilu politiit pinerluttunillu isumaginnittooqarfik ilangutitinneqarlutik. Aammattaaq tarnikkut nappaatilinnut nakorsartinneqartussat sinnerinik inunnik isumaginittoqarfimmik suleqateqartarneq pingaaruteqanngaarpoq.

Tarnikkut nappaatilinnik sullissineq pillugu nassuaat 2010-mi tapersiutinik nangitsinernik suliaqarneq aallartereeroq taannalu suliaq suleqatigiinnermut periutsinut ilaassaaq, taakkununnga Maniitsumi tarnip nappaataanik katsorsaariaaseq ilaalluni.

2-mut)

"Tarnikkut nappaatilinnik sullissineq pillugu nassuaat, 2010"-ip inassutaanik nangitsinerit ingerlanneqareerpata Maniitsumi-periuseq piviusunngortinneqareersimas-saaq, tamannalu kingusinnerpaamik 2016-mi pissaaq.

Inussiarnersumik inuulluaqqusillunga  
Med venlig hilsen

Agathe Fontain